

Эгл үүлдврн ик чинр

Коммунистическ партъ болн Советск правительств кумн улсин эрүл-менд харлгънд оньдин онц оньган огцхана, юнъгад гихлә, оln-амтна сә хяалгънас оодан күүл Коммунистическ партъд нань уга.

Эрүл-менд харлгъна эркн ик чинрнь ганцхн эмч биш. Эмчд эмнх эм кергтә. Мана советск эмчин ном, эмнлгъна болн эм гаргългъна халхарн оодгә цагт берк ик диилвр бәрдж. урднь күүнә амнд хорлтта шалтгиг, эс-гихлә тохм таслад уга кев, эс-гихлә дегд амрар эдгәдг болв. Тер тәләд эмчин чигн чинр ик, эмин чигн чинр ик. Болв эм хулддг гер (аптек), терүнд кәдлцхәдг улс оln-амтнд тустә, энүг мартх керг уга.

Энүнлә залгълдулдж Элст балгъсна аптекин кәдлмшин тускар келх кергтә.

Элст балгъснд негхн аптек бәәнә. Энүнә заведуюшднь үр Королев Андрей Николаевич кәдлджәнә. Элст— Хальмгин хотл балгъснд хуврәгдснә хөбн, Элстд кесг миньгън кун ирснә хөбн, аптекин кәдлмш икдв, энүнд кәдлцхәдг улсин даалгъврнь бас өсв.

Элстин аптек эн джилә 1-ч кварталин зурагъан 187,8 миньгън арслнъ күүлхин орчд 220,6 миньгън арслнъ күүлдж,

эс-гидж 112 процент. 2-ч кварталин зурагъан 218,6 миньгън арслнъ күүлхин орчд 310,4 миньгън арслнъ күүлдж, эс-гидж 142 процент болджана.

1957 джилин түрүн ордәд аптекин ассистент Камышева Галина Николаевна, рецептарь Томич Петр Дмитриевич, таньгъчин аптекин пунктсар эм йилгәдг илгәдг Малиева Валентина Андреевна үзмджтә сәәнәр кәдлцхәв, кәдлдж чигн йовцхана.

Эн аптек таньгъчд аптечн 31 пунктг, дакад эмчин 6 пунктг эмәр тетгнә.

Таньгъчин колхозмуд болн совхозмуд, промышленн предприятияс, тосхлтс, школмуд аптечкс авцхах зөвтә. Болв эн кәдлмш кегддж йовхш. Элстин школмуд болн колхозмуд түрүн дөнъгин тәләд аптечкс авх болад белдүүлчкәд, терүгән ода күртл хулддж авад уга. Элстд ик тосхлт болдж йовна, болв тосхлт кергтә тоот эм хулддж авад уга, авх чигн санан уга.

Эмчд бийән үзүлсн шалтгта улст кергтә эминь цаглань огх тәр—берк ик чинртә тәр болджана. Элстин аптекд цуг бийнь, санитаркас авн толгъач күртл 9 кун кәдлджәнә. Аптек негхн селгәнд кәдлнә, тер тәләд эмнүлджәх улс цагларн

эм авч чадцхахш. Болв энүнд эн аптек бурута биш. Элст балгъсн района центрәс таньгъчин центрт хуврүлгдхлә, аптек хойр селгәгъәр кәдлдгт орулгдх зөвтә бәәсмн, болв крайин аптекин управлень энүг цагдеернь күүлдж чадсн уга. Зуг джилин ордәд давсна хөбн эн тәрриг чикәр хагәлдж, хойр селгәнд орх зөв огв. Хойр селгәнд кәдлхин эркд кәдлх улс бас керглгдджәнә. Тер учрар ода күртл хуучарн кәдлә бәәгъатә. Кәдлх улс немдж авч, эн кергиг даруд күүлх тәр—аптекин заведуюш үр Королевин эркн нег тәрнь болджана.

Эн джил Элстд тосхлтин джил болджана гидж келдж болхмн. Элстин аптекд склад болн гараж бәртхә гидж 200 миньгън арслнъ гаргәдг огсн бәәнә, болв тосхлтин проект уга болад, эн мөнъгн элгдджәхш. Элстд кәдлджәцхәх инженермүд-тосхачнр „цолуга“ гилдәд, проект кедж огцхәхш. Аптекин заведуюш үр Королев энүгинь сонъсчкад, тагчг бәәгъад бәәнә. Балгъсна болн таньгъчин Советин күүлх комитетд одад, теднәр дамджулдж тосхлтин проект келгүлдж авч тосхлтан эклх кергтә.

БАДМИН Д.